

新遊記彙刊續編卷之三十

廣西遊記

粵西瑣談

沌谷

光緒乙巳秋。橐筆羊城。與龐君廣嗣相友善。過從頗數。龐君生長粵西。偉貌善談論。從詢其風土人情。因拉雜書之。以廣異聞。亦採風者所不廢也。

自柳慶以西。土司繁夥。與流官雜錯而居。然土司奉上官。謹而對於土民。則頗多暴橫。且箝制之不許讀書。應試。故土民之渴望改流。殆猶大旱之望雲霓也。

土司皆漢族。山東人尤占十之七八。詢其世系。大都狄青南征時留鎮土人者也。然所轄土人亦皆漢族之流民。蓋自漢唐以後。漢族澎湃。攘斥苗獠。據其土地而有之。久之而流民中之雄傑者。因便乘利。遂以君長一方。正與三代以前封建之諸侯相同。無從考其所由來也。憑軒土州土官李姓。轄地縱橫約八十里。口味膏腴多

稻田。香粳尤佳。又產八角。可製油。爲土產之大宗。州治無城。然市面頗繁。南距龍州僅九十里。安南人多入而互市者。

粵西苗獠最多。皆居岩洞之中。椎結粗衣。不知有絲屬汗尊土盤。不知有瓷器。猶上古遺風也。其婦女之端莊美麗者。亦間有之。然不與漢人通婚嫁。

食用之物。具足自備。惟不產食鹽。漢人與之交易。多致奇富者。

苗洞中土田肥美。所產白米。色味俱佳。又富於木材。漢民挾資往販。役苗民運之。乘流而下。木排連瓦。長及數里。檣桶杞梓。不足爲奇也。黃岑尤巨。有大如鵝卵者。柳慶兩府之間。大山盤礴。號四十八洞。苗獠之窟宅也。每一洞中。聚族輒千百人。各載其族豪爲酋長。酋長所轄大者數洞。連互至數百里之遙。山深箐密。外人所不悉也。第曰潯州之大黃江西北。至武宣縣之境。已有酋長七人矣。

會按自轄其種人。別爲一團體。與漢官眇不相屬也。亦無期會納稅之義務。

會長之法。令極嚴。犯則殺之。無倖免者。故鼠竊狗偷。爲洞中所絕。無器物牲畜。皆隨宜放置。殆有路不拾遺。夜不閉戶之風焉。

會長喜與漢人紳富往來。有詣洞造訪者。率以豬牛相奉。其牲畜彌漫小谷間。不可以數計也。凡種人之產。皆會長之產也。故會長最富。而種人之性。又最忠願。與漢人交易之金銀。亦分而獻之會長。則剝大木藏於其中。積之既多。常有爲山水冲激。漂流至於洞外者。

會長頗知書。間有薙髮作近世裝者。則亦知重科名。某鄉士人鄉試獲售。會長往賀。士人指冠頂。詭言欲市之。會長大喜。出重資售之而去。遂冠頂出入。用以炫耀其種人。其愚不可及也。

粵西政治腐敗。近年以來。賊氛徧地。民幾無以自存。紳富之與會長有連者。往往而乞援會長。則率其種人悉

力爲之捍禦。惟欲避居其洞內。必嚴詞拒之。曰。救災恤鄰。吾所勇爲也。若混我則不可以此見其於種族之界。辨之固甚嚴也。

祀先之禮。苗人所最重也。岩洞中時有崇宏壯嚴。榜爲盤古廟者。中祀盤古。而天皇、地皇、人皇皆以次附祀焉。武宜境內亦有之。每屆六月初二。相傳爲盤古生日。遠近數百里間。凡漢人、苗人、莊人。無論男婦老少。莫不奔走偕來。奉祀惟虔。而廟內岩泉。是日亦必應期流出。歷驗不爽。可謂奇矣。或言盤古卽盤瓠之轉。本爲苗人之祖。其信然乎。

莊人不知所自始。或以爲來自雲南。而其人則自以爲土著也。惟不居岩洞。常與漢人往來。其語言又與苗僮不同。有勸之學操漢音者。則正色曰。吾不忍棄祖宗之言。而學他人之語也。此亦所謂保存國粹者歟。